

青神縣志卷之十三

古蹟志

青神故郡在今縣南二十五里周置隋開皇初廢屬眉山郡
唐屬眉州

青州城在今縣南梁置西魏改曰眉州治不在今之眉州在
嘉定界內

布政司分司在小南街今廢

按察司分司在小南街今廢

城東門內古有文明坊按院公館地方官坊十字街古太史

青神縣志

卷之十三古蹟

八

坊北街古有少伯小南街古有整綱肅紀二坊今皆廢

聖諭坊在縣署大堂前今廢

天鑒在茲坊在儀門前今廢

節用坊在縣署前左今廢

愛人坊在縣署前右今廢

申明亭在縣署前左今廢

旌善亭在縣署前右今廢

清風閣在縣署頭門上鼓樓今廢

奎星閣在南門右城今改建

講約所在東門內蕭公祠內

靈巖石筍在中巖山半三石突起其形類筍宋元徽中有異僧入牛頭寺主僧厚禮之別去贈以一鑰曰後欲見我當至中巖山後僧以抵頭佛失珠訪至中巖山石峭拔以鑰叩石峯裂而三見異僧在其內曰盜取佛珠江濱我得之久矣知州金一鳳刻文峯鼎峙四大字於石端溪許仁有詩明嘉靖間成都推官祝旦有絕句皆載入藝文

寶鏡寒潭縣西七十里有寶鏡沱沱上有寶鏡寺岩上有寶鏡大如篩下臨深沱夜明如月照徹沱底賊以銅鏡換去後

青神縣志

卷之十三古蹟

九

並銅鏡亦失鏡跡猶存余子俊詩有寶鏡鎖江河

仙池夜月卽學宮前泮池昔有仙人乘月飛昇

古閣清風梁時舊署頭門鼓樓登覽其上清風徐來煙雲萬狀故名

麒麟瑞井縣西二十里有井常有麒麟出食耕田鐵器見人投井今無

三山牧笛縣西北有三山壩常聞牧笛聲覓之無跡古傳湘子品笙山上有高廟子

虎渡橫舟縣南十五里有渡江水淤流舟隨左右不用舟子

舟滿自渡人於岸望之恍惚有虎撐船古語曰長江有水君
休慮野渡無人舟自橫此景似之眉州附志則云五渡漁州
謂不用舟子舟滿自渡渡凡有五故名五渡

蓉岸春濤卽象鼻巖下大江迴淤芙蓉滿岸水漲居人爭乘
舟觀花因名

藤蘿縣西四十里有大悲寺昔有大藤壅一包迎風有聲擊
之如鑼不知包中何物後賊剖去藤遂無聲余子俊八景詩
大悲寺裡長藤鑼

麒麟院在舊縣治長泉鎮僞蜀時有麟見於井是歲王衍僭
立以爲禎祥卽於此地建院

青神縣志

卷之十三 古蹟

十

借景亭在縣治後舊有亭下瞰史家園園多佳景宋黃庭堅
常遊此匾曰借景因留詩云當官借景未傷民恰似鑿池取
月明

接官亭縣北五里在鴻鶴池上乾隆二十九年知縣王承熾
重建亭於上額曰觀農

青衣土主城北門外半里按摛神記蠶叢名昌意黃帝之子
也娶蜀山之女生帝嚳後封支庶於蜀蠶叢初爲蜀侯後稱
蜀王常服青衣教民蠶事民感德立祠祀之俗呼青衣神勅

封土主飼蠶之家無不敬之故青邑桑柘茂於他處絲縷光潤商賈爭販皆青衣神之遺澤也宋時有飼蠶古詩載入藝文

白馬土主城西三十里金牛漕中按神鳳雛龐士元也從昭烈取西川盡忠於落鳳坡勅封白馬土主以乘白馬至川故稱昔獻賊至境鄉民程名息率衆拒之神降雪磚擊賊賊潰逃因惡神助遇廟宇皆焚之獨神廟未燬至今廟中椽桷有非人力所能爲者

川主祠在縣東街邑民公建按神姓趙名旦隋煬帝時隱青

青神縣志

卷之十三古蹟

十一

神縣帝知其賢起爲嘉州太守河有老蛟吞葦泛水漂蕩居民神怒時五月設船七百艘甲士千餘鼓噪驚蛟神持劍入水石崖奔吼如雷須臾水赤神持蛟首奮流而出水患遂除時年二十六歲隋末大亂棄官隱去莫知所終後因江水氾溢蜀人見神在青霧中騎白馬帶鷹犬彈弓獵於水面復爲民除患也民感其德立祠祀之或灌口二郎太宗封爲神勇大將軍明皇幸蜀加封赤城王宋眞宗朝益州大亂帝遣張詠入蜀治之告祠求助果克奏上封號清源妙道眞君

國朝勅封顯應王

歇涼亭縣西五里山坡余子俊家建今廢

繼瑞堂縣署內宋建災間建縣令劉濬卿以縣產靈芝作堂翼之後呂產章爲令復產靈芝乃重修此堂因名

白塔縣南十里白塔寺外古有紅白二塔相傳紅者飛去塔基尙在白者猶存頂有對云白塔明燈火書衣出狀元

慈母巖縣東五里下臨青衣水有石刻李壁詩

上巖治東南十八里山之上巖有三石筍鼎峙宋蘇東坡嘗讀書於此巖東北有垂拱寺下嘗有龍聽僧講經宋范鎮馮時行有詩見藝文

中巖去上巖二里許有巨那尊者道場下有喚魚池客至撫掌魚卽出遊宋陸游詩春枕悠然夢何許兩枝筇竹喚魚潭巖上有東坡喚魚池三大字邵伯溫書中巖二隸字有羅漢洞又有石竅若牛頭上書牛頭一竅四大字相傳此竅通潼川府蓋巨那往來遺蹟

下巖去中巖四里許有水月樓翼然江上登臨時但見天空水底月印波心翠竹穿溪流泉响石真邑中勝景也

小中巖田上巖經書樓下嶺有小中巖寺前石門額有虎礪二字景最幽雅遊人多至

流杯池中崖水從石壁湧出因鑿池流觴黃山谷有玉泉銘
刻崖上明楊升庵有詩

國朝知州趙蕙芽有詩并序刻石見藝文

龜溪治東北四里相傳古有瑞龜見則年豐

紅鶴池治西二十五里一名瑞鶴池

石寶村治南二十五里相傳明時大水淹三月始退遺一石

寶高三尺光圓滑潤故名

龍女井治北二十里有龍女寺建於唐舊傳寺有井僧講經

龍女從井中出聽因建寺有龍女禪林坊

青神縣志

卷之十三古蹟

三

龍泉治南三十里

虎跳坡治南三十里

長池坎治東北里許遇旱不涸

响水洞治東北三十里

宋青衣古畫孟蜀廣政間蒲筵昌於青衣神廟畫神鬼人物
數堵曲盡其妙今已磨滅

蓮花池縣西北二十五里中多蓮花錦鱗吹浪戲葉蕩汎風

香

水獸沱縣東北六里許相傳古有水獸出其中

太公池中巖下有石刻姜太公釣魚像垂竿於池卽在流杯池上

鯉豬池縣南二十里宋初百年前民家失二豬覓之入池化二鯉蘇子瞻偶見之告其友王愿以爲誕同禱於泉二鯉復出故名

瑞草縣西四十里有三教院昔有士人訓徒於院旁有樹鶴巢之士人出徒取鶴卵煮熟甫食其一師歸懼以餘還之巢久之鶴卵出雛徒驚異傳說師聞視巢有草一莖兩歧凡病疾死亡枕之卽起人爭迎之日不暇給乃師徒分遂不復驗

青神縣志

卷之十三 古蹟

十四

余子俊八景詩云三教院中生瑞草卽此

野鴨池縣三十里金牛漕有蜘蛛壩背上有池四季澄清羣鳧相戲

月中丹桂在麒麟井

活牌坊

縣南四十里漢陽下場街心

青邑考棚創自道光年間於縣署之西續被李逆焚燬光緒元年郭主因署內褊狹在福建館考試見其自負棹橙甚屬勞苦爰倡捐百金並集紳糧勸捐貳千餘兩改建東街察院舊基三年冬興工四年秋落成較前規模宏敞工料堅實焉